

**UGOVOR**  
**za javnu nabavku usluge**  
**"Ljekarskog – specijalističkog pregleda"**

**I UGOVORNE STRANE**

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, koju zastupa direktor, Jasmin Terović, (u daljnjem tekstu: **Naručilac usluge**), ID broj: 4200665390008 i
2. **JU ZAVOD ZA ZDRAVSTVENU ZAŠTITU UPOSLENIKA**, ul. Alije Isakovića br. 3., 71 000 Sarajevo, koju zastupa direktor, Mr.sci.dr.Anes Talović, (u daljnjem tekstu: **Pružalac usluge**), ID broj: 4200084310003.

U daljnjem tekstu Ugovora, kada se Naručilac i Isporučilac navode zajednički, tj. zbirno, tada su označeni kao "**Ugovorne strane**".

**II OSNOV ZA ZAKLJUČENJE UGOVORA**

Osnov za zaključenje ovog Ugovora je Odluka o izboru najpovoljnijeg ponuđača za javnu nabavku usluge periodičnog ljekarskog – specijalističkog pregleda Kupca, broj: 06-11-1699-3/20 od 22.09.2020. godine.

**III PREDMET UGOVORA**

**Član 1.**

Predmet ovog Ugovora je nabavka usluge "Ljekarskog – specijalističkog pregleda", prema specifikaciji iz obrasca za cijenu ponude, koja je navedena u Zahtjevu za dostavu ponude za nabavku usluge periodičnog ljekarskog – specijalističkog pregleda Kupca, broj: 06-11-1699-1/20 od 10.09.2020.godine, kao i u Ponudi Prodavca, br. 05-26/20 od 15.09.2020. godine, koje čine sastavni dio ovog Ugovora.

**Član 2.**

Ljekarske – specijalističke preglede (u daljnjem tekstu: uslugu), Isporučilac je dužan isporučiti prema svojoj Ponudi, te po uputstvima i zahtjevima Naručioca.

**IV CIJENA I NAČIN PLAĆANJA**

**Član 3.**

Ukupna vrijednost ugovorene usluge definisane u članu 1. ovog Ugovora iznosi: 5.810,00 KM (slovima: pethiljadaosamstotinasdeset KM).

U ukupnu cijenu iz stava 1. ovog člana, nije uračunat PDV.



Usluge koje su predmet ovog postupka javne nabavke su oslobođene plaćanja PDV-a prema Zakonu o PDV-u, dio IX Član 24.

Cijena je fiksna i ne podliježe nikakvim promjenama za vrijeme trajanja Ugovora.

Naručilac se obavezuje da će ukupni iznos iz stava 1. ovog člana isplatiti na račun Isporučioca broj: 338-320-22511134-44 otvoren kod Uni Credit Bank.

#### **Član 4.**

Ugovorne strane su saglasne da će Naručilac ukupnu vrijednost iz člana 3. stav 1. ovog Ugovora isplatiti u roku do 15 (petnaest) dana, nakon izvršenih svih predviđenih usluga, ako prilikom pružanja usluge Naručilac nema primjedbi na isporučenu uslugu.

Isporučilac je saglasan da Kupcu neće zaračunavati zatezne kamate za zakašnjenje pri plaćanju putem "Trezora" Ministarstva finansija Kantona Sarajevo, ako je Naručilac u ugovorenom roku predao nalog za plaćanje, a Isporučilac primio uplatu s odgodom od jednog ili više dana od ugovorenog roka iz stava 1. ovog člana.

### **V ROK I MJESTO ISPORUKE**

#### **Član 5.**

Rok izvršenja usluga periodičnog ljekarskog pregleda uposlenika je 10 dana od datuma kojeg dogovore ovlašteni predstavnici Naručioca i Isporučioca, uključujući dostavljanje svih izvještaja i zapisnika o pregledima, te dostavljanje zbirnog izvještaja i pojedinačnih nalaza za svakog uposlenika, a u skladu sa članom 15. ovog ugovora.

#### **Član 6.**

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Isporučilac nije mogao predvidjeti,
- kada ugovorne strane sporazumno produže ugovorni rok.

#### **Član 7.**

Ukoliko Isporučilac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 30 dana, Naručilac ima pravo na raskid Ugovora.

### **VI UGOVORNA KAZNA**

#### **Član 8**

Ukoliko Izvršilac ne izvrši svoje obaveze u predviđenom roku dužan je da za svaki dan zakašnjenja plati ugovorenu kaznu u iznosu 0,1 % od ukupne vrijednosti ugovorene cijene. Ukupna vrijednost ugovorne kazne koja se plaća ne može iznositi više od 10 % od ugovorene cijene.

Naplata ugovorne kazne od strane Naručioca neće osloboditi Izvršioca obaveze da izvrši ugovor u potpunosti.

Ukoliko obračunata ugovorna kazna pređe 10 % od vrijednosti ugovora Naručilac zadržava pravo da jednostrano raskine ugovor i zahtijeva isplatu ugovorne kazne.

Ugovorna kazna se obračunava od prvog dana poslije isteka ugovorenog roka izvršenja.



Obračun i naplata ugovorne kazne izvršit će se umanjenjem računa Isporučioca za vrijednost obračunate ugovorne kazne.

Naručilac ima pravo zahtijevati ugovornu kaznu i kad njen iznos premaši visinu štete koju je pretrpio, kao i kad nije pretrpio nikakvu štetu.

Ako je šteta koju je Naručilac pretrpio veća od iznosa ugovorne kazne, on ima pravo zahtijevati razliku do potpune naknade štete.

## **VII OBAVEZE IZVRŠIOCA I NARUČIOCA**

### **Član 9.**

Izvršilac se obavezuje:

- da usluge sistematskog pregleda uposlenika izvrši kvalitetno i u predviđenom roku, u skladu sa specifikacijom usluga navedenoj u svojoj ponudi br. 05-26/20 od 15.09.2020. godine, a u skladu sa važećim propisima, pravilima struke, zahtjevima Naručioaca i odredbama ovog Ugovora;
- da u cilju izvršenja ugovorenih usluga obezbijedi potrebne stručne kadrove i materijalno-tehnička sredstva;
- da sistematski pregled uposlenika izvrši u ugovorenom roku u skladu sa međusobno usaglašenom dinamikom;
- da po izvršenim pregledima dostavi kopije laboratorijskih pretraga uposlenika i Naručioacu izvještaj za svakog uposlenika pojedinačno, kao i pregled zaključnih ocjena specijaliste medicine rada za svakog uposlenika;

### **Član 10.**

Naručilac se obavezuje:

- da obezbijedi uslove da uposlenici pristupe sistematskom pregledu u skladu sa međusobno usaglašenom dinamikom;
- da dostaviti spisak uposlenika sa radnim mjestom koji obavljaju, a za koja je propisan periodični ljekarski pregled;
- da pismeno obavijesti Prodavca o svakom eventualnom propustu Isporučioca u odnosu na pitanja utvrđena ovim Ugovorom.

## **VII RASKID UGOVORA I NAKNADA ŠTETE**

### **Član 11.**


Kada jedna ugovorna strana na ispuni svoju obavezu, druga strana može, ako nije drugačije određeno ovim Ugovorom, zahtijevati ispunjenje obaveza ili, pod uslovima predviđenim Ugovorom i ugovorenim materijalnim pravom, raskinuti Ugovor, ako raskid Ugovora ne nastupa po samom Zakonu, a u svakom slučaju ima pravo na naknadu štete.

U slučaju raskida Ugovora, ugovorne strane imaju pravo na naknadu štete koju trpe zbog kršenja Ugovora od druge ugovorne strane.

## **VIII PRIJELAZNE I ZAVRŠNE ODREDBE**

### **Član 12.**

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili



stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### Član 13.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

#### Član 14.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko to nije moguće, nadležan je Općinski sud u Sarajevu.

#### Član 15.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Isporučioca, a isti će se realizovati u periodu od 12.10.2020 do 23.10.2020 godine, i sve do izvršenja svih pojedinačnih obaveza predviđenih ovim Ugovorom.

#### Član 16.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

**ZA PRUŽAOCA**

Direktor

M. P. [Redacted]

Sarajevo, 24. 09. 2020. godine



**ZA NARUČIOCA**

M.P. [Redacted]

Broj: 06-111699-5/20  
Sarajevo, 28.09.2020.godine



